



Universitätsbibliothek Paderborn

Der ... Teil|| aller Bücher vnd Schrifften des|| thewren/ seligen Mans Doct. Mart. Lutheri

Vom XXVIII. jar an/ bis auffs XXX. Ausgenomen etliche wenig Stück/ so zu
ende des dritten Teils gesetzt sind

Luther, Martin

1566

VD16 ZV 10108

Schrift D. M. L. an Lazarum Spengler/ wie es mit den Messen zu halten
etc.

urn:nbn:de:hbz:466:1-37065

das mir gnediglich geantwortet werde/ in anſehung/ das ich zu ſolcher ſach
gleich bezwunge kome/ Hilff mir der allmechtige Gott/ das ich ein kome/ oder
irgend etwas erlange/ Ich wil L. A. mit dem werck dancken/ Bleibe ich aber
arm/ Wil ich den lebendigen vnd barmhertigen Gott vmb L. A. geſundheit/
lang leben/ vnd ſeligkeit bitten. Meines G. H. briue hab ich offen gelaffen/
aus das L. A. denſelbigen/ vnd was in L. A. briue zu viel/ oder zu wenig/
auff eile/ oder meiner vngeschicklichkeit halben/ geſchrieben/ beſſern wolten/
Dem lebendigen Gott ewiglich beſolhen Datum Kemperg/ Mittwoch nach
Laurentij. M. D. XXVIII.

L. A. williger Andreas Carlſtat/
Bitt vmb günſtig Antwort.

Schriſt D. M. L. an La-
ſarum Spengler/ Der Stat Nürnberg Syndicum/
Wie es mit den Meſſen zuhalten/ Auch worin der Kir-
chendiener zwang vnd geſchicklichkeit ſtehe.

Anno M. D. XXVIII.

An den fürſichtigen vnd weiſen Laſarum Speng-
ler zu Nürnberg etc. meinen günſtigen Freunde
vnd Herrn.

Bade vnd Friede in Chriſto/ Fürſichtiger lieber Herr
vnd Freund/ Ich hab ewer Schriſt/ ſampt der
Meſſſſachen empfangen/ vnd mit vleis beſehen/ Vnd
wiewol ich befinde/ das meines Rahts euch nicht von
nöten/ Weil Gott ſelbs euch ſolche Leute zugeſchickt
hat/ Aber doch auff ewer Anhalten/ wil ich meine
Stim auch gern dazu thun.

Billich/ Iſt es je billich/ dazu auch wol bedacht/ Das man
niemand ſol zum Sacrament/ oder dauon/ dringen/ noch deſſelbi-
gen gewiſſe zeit oder ſtet ſetzen/ die Gewiſſen zu fangen. Weil aber
S. Paulus democh leret/ Es ſol ordentlich zugehen/ bey den Chris-
ſten/ Deuchte michs gut ſein/ das die Pröbſte vnd Kirchendie-
ner zuſamen kernen/ vnd ſich dieſer ſache einer gemeinen freien
Weiſe beſchließen/ vnd ein Erbar Raht darnach dieſelbige Wei-
ſe handhabet/ vnd alſo Einigkeit vnd Gleichheit erhalte/ zu ſol-
cher Weiſe/ Ob man meins Rahts würde begeren/ wolt ich alſo
raten.

Im erſten/ Das man ſchlechts alle Meſſen abthete/ da kein
Communicanten ſind/ Wie ſie dem auch billich ſollen abgethan ſein/
als jr Bericht ſelbs anzeigt.

Im

Schrieffe D. M. L. an Lasarum Spengler!

Zum andern/ das man in den zwo Pfarrkirchen des Sontags/ oder heiligen Tags/ eine oder zwo Messen hielte/ nach dem der Communicanten viel oder wenig weren. Were es not/ oder für Gut angesehen/ möcht man der gleichen im Spital auch thun.

Zum dritten/ Vber die wochen möcht man Messe halten/ Welche tage es not were/ das ist/ So etliche Communicanten da weren/ drumb bitten vnd begeren würden/ Diemit weren niemands gezwungen zum Sacrament/ Vnd doch ordenlich einem jeden gungsam darinnen gedienet.

Wirden aber hiezu sich die Kirchendiener beschwert machen/ Als die vngewungen zu sein fürgeben/ Oder sich vngeschickt zu sein/ beklagen/ Wolt ich jnen anzeigen/ Das sie niemand zwinget/ Sondern Gott selbs durch seinen Veruff/ Dem weil sie das Ampt haben/ sind sie schon Veruffs vnd Ampts halben schuldig/ vnd gezwungen/ das Sacrament zu reichen/ wenn mans von jnen begert/ Das damit jr entschuldigung nichts ist. Gleich wie sie schuldig sind zu predigen/ trösten/ Absolviren/ Armen helffen/ Krancken besuchen/ So offt man das bedarff oder foddert.



So ist's auch nichts/ Das jemand wolt fürwenden/ Er were vngeschickt seines schwachen Glaubens/ gebrechlichen Lebens/ oder kalter Andacht halben/ Sie sollen auff jren Veruff vnd Ampt sehen/ Ja auff's wort Gottes/ das sie beruffen hat. Sind sie vnrein oder vngeschickt/ So ist doch das Ampt vnd der beruff/ oder das Wort rein vnd geschickt genug.

Wo so sie gewis glauben/ Das sie beruffen sind/ So sind sie auch an jnen selbs durch solchen Glauben geschickt genug. Denn wer da glaubet/ Er sey zum Kirchenampt beruffen/ Der glaubt gewislich auch daneben/ Das sein Ampt vnd Werck/ vnd Er selbs in solchem Ampt angenehme/ vnd gerecht sey. Glaubet er aber solchs nicht/ So ist's auch gewis/ Das er nicht glaubt/ das sein Veruff vnd Ampt jn von Gott befohlen sey.

Welche nu zweiveln/ Ob sie beruffen seien in solch Ampt/ Die lasse man nur weit davon bleiben/ Denn sie tangen nichts. Welche aber gewis sind/ Das sie solch Ampt haben von Gott jnen befohlen/ als durch Oberkeit/ oder bitte der Brüder gefoddert/ Die sollen auff solchen Veruff frölich vnd getrost hinan gehen/ Vnangesehen jr geschicklichkeit oder vngeschicklichkeit. Denn/ *Fides vocationis habet coniunctam necessariò fidem iustificationis, cum sit in verbum vocantis Dei. f. dens ac præsumens.*

Welcher nu seinen Veruff glaubt/ Der wird freilich andachtlust/ vnd durst genug haben/ *Cum sit impossibile eum non sentire vim gratiæ, qui certus est de sua vocatione.* Denn ein solcher kan ja nicht sagen/ Ich wil hingehen vnd Erbrechen/ oder sonst ybel thun/ Sondern muss also sagen/ Ich wil hingehen/ vnd meines Ampts pflegen. Was ist aber das anders denn so viel? Ich wil meinem Gott gehorsam sein/ vnd meinem Nehesten dienen. Solcher wille aber ist ja Andacht/ lust from zu werden/ vnd guts zu thun/ oder sich bessern/ Es were
deun/

denn/das nicht Andacht oder lust zu heissen sey/Wenn ich willens were/Gott gehorsam zu leisten.

Wol istis war/Das welcher ausser solchem Wort seines Veruffs/vnd Glauben seins Ampts/wil mit seinen Gedancken sich prüfen vnd geschickt machen/oder vngeschickt richten/Das derselbig nichts thut/denn auff ein menschlich Werck vnd sülen sich dawet/Die müssen denn wol klagen/das sie nicht allezeit geschickt sind/Ja sie sind allezeit vngeschickt.

Haben wir doch bisher den Leien gepredigt/Sie sollen nicht auff jr eigen geschicklichkeit oder vngeschicklichkeit beten oder Sacrament nemen/regiren/oder dienen/oder sonst etwas Guts thun/Sondern allwege Gottes verheissen/ gebieten/ruffen oder locken fassen/Vnd darauff thun vnd schaffen/was fürhanden ist.Wie solten denn die Kirchendiener/die Gott durchs Wort berufft vnd geschickt macht (so sie das glauben) vngeschickt sein/Wie solchs alles meine lieben Herrn vnd Freunde wol wissen selbs weiter zu bedencken.

Als aber im Pöfel möcht ein gemümel werden/ aus solcher Newerung/ Was man wagen/ vnd Gott befehlen/ Daneben dennoch thun/ so viel man kan/ Das es gestillet werde/Nemlich/dermassen/Dieweil die Visitation fürhanden ist/Wat man guten Fug von der Cantzel starck zu vermanen/ vnd anhalten/Das/wel sie selbs vnd alle Welt wol wissen/Das viel Misbrenche im Gottesdienst gewesen/ Welche man fürhabe zu bessern/Drumb sollen sie still sein/ vnd nicht sich er gern/ob man etliche Stücke endern würde/Vnd wolt nicht ein jglicher seinen Dünckel in gemeinen Sachen für den besten halten/Sondern andechtig helfen Gott bitten/Der in seiner Kirchen nichts wil nach Menschen dünckel/wercke/oder wort/Sondern nach seinem Wort vnd werck gethan haben/Wie S. Petrus leret/Auff das durch seinen Geist alles seliglich vnd wol angericht werde.Denn mit viel vrteilen vnd affterreden/macht man nichts besser/Sondern mit demütigem Gebet/ vnd demütiger Eintrectigkeit/Wie denn meine lieben Herrn solchs wol werden wissen zu treiben/ vnd gewaltiglich ausstreichen.

So ist es Gottes werck/ Der wird dabey sein/ So wir des begern/Vnd nicht vermessenlich darin handeln/Als solt vnser Vernunfft oder vermügen/ on Gottes vermügen vnd zuthun/etwas ausrichten/Wie denn die gedenccken/ So nicht beten/ Sondern allein mit Freuel vrteilen/ vnd iren Dünckel auffnutzen. Itzt kan ich nichts bessers. E. W. wolt solchs für lieb nemen. Ich bitte aber Gott vnd den Vater aller Weisheit vnd vermögens/ Das er euch seinen Geist/reichlich gebe zu thun vnd schaffen/was im wolgefelltet in Christo Ihesu seinem Son/Amen/15. Augusti. Anno. M. D. XXVIII.

Vorschrift D. M. L. für
ein armen Waisen/an Wilhelm Keiffenstein etc.
Anno M. D. XXVIII.